



Opuscula



Opuscula



(74)

# NAVIS

PRETIOSA VIRTUTUM CYMMELIA

P E R

MARE MARIANVM.

DEVEHENS,

D. MARIA

MAGDALENA

DEPAZZIS,

Annua suæ Solennitatis Die, in Basilica

Celeberrimi Conventûs Cracoviensis

Majoris, Perantiquæ Regularis ob-

servantiæ PP. Carmelitarum.

Devotâ Panegyri,

*In Illustrissima Magnorum Hospitum Corona,*

A b

ADAMO CASIMIRO

de Małachowice.

MAŁACHOWSKI,

CASTELLANIDA Inowłodensi, Eloquentiæ in Alma Aca-

demia Cracoviensi AUDITORE.

## DEMONSTRATA.

*Am. ô, quô NAVIS Pretiosa Săluti humana, calitûs advexit Cymmelia.*

M. D.C.C. X X Die verò 26. Maij.

---

CRACOVIAE, TYPIS ACADEMICIS.





Splendida quo properas Argo? si vellera poscis  
Sarmata, campestris velleris: Author erit.  
Sed tamen observa vellus, quod pondere majus,  
Hoc lege: sic nobis commoda multa feres  
SZANIAVIS; AGNVS pulcher det candida la-  
nz.  
Pondera, tunc dignum Præsule, surget opus.



CELSISSIMO  
 ILLUSTRISSIMO  
 &  
 REVERENDISSIMO  
 DOMINO  
 D. CONSTANTINO  
 FELICIANO  
 SZANIAWSKI,  
 DEI & S. SEDIS APOSTOLICÆ Gratiâ,  
 EPISCOPO VLADISLAVIENSI, NOMINATO Crac:  
 DUCI SEVRIÆ



*T* Sarmatico genio, ut Minoris Polonia voto,  
 ac tandem cunctorū latitiæ paream, prom-  
 ptitudo mea Classē instruit: quā Tu Po-  
 loni Nominis gloria, magnū minoris Lechiæ  
 incrementum, coronati Varvelli majestas,  
 priusquā ab avida expectantium Te pu-  
 pilla noscaris, corda ac animos occupes deside-  
 ratissimus. CELSISSIME PRINCEPS  
 Illustrissime & Reverendissime Præsul. Præ-  
 venisti PRINCEPS CELSISSIME quosvis Clie-  
 ntium motus, cum Tuorum meritorum notitia, minime alieno vecta  
 adiutorio, prius omnium pectora incurrit, quā Tu singulorum oculis  
 A Te



*Te Cracovia sistas, Obiectum Principale. Iam à virtutum Tuarum concinnitate in urbe Polonia, prima vultus Tui noscuntur lineamenta & formantur; quàmvis adhuc non per speciem Tuam dignam, Sacrorum imperio, ingrederis Diacesis Cracoviensis Imaginativam, sed virtutis Tuae nexu, uniris animo populorum. Tantum crede distas à nobis: quantum inter Te & Tuam probitatem spatium; cuius quoniam Tu compars: jam igitur Tu cunctis notus, antequàm visus. Novimus immortalitate post sera Tui fata donanda Tua opera, & quia mentes nostra illorum sunt incapaces, seculorum proinde volumus exerceri memoriam; quàm comprahensus, adsis praterlapsuris temporibus presentissimus. Et pacto hoc ad mentem orbis, ad votum temporum venies, omni aetati in optimorum Ideam proponende. Siquidem, qui anteaetorum annorum tractus? quæ præterita aetatis revolutio adeò felix? tam prosperioris successus ferax, quàm hæc: quàm Tu superstes unus pro omnium commodo vivis, & vivendo excubas. Debemus Tibi omnia: quia nos ipsos, eo potiori titulo: quia à Te Civis Patria servatos. Tu etenim & ante Curules Senator, & extra sublime Pontificis munus & Ecclesia, & Patria pervigil, speculator semper tueris nos intuenso: & quod in Romana gente efficiunt asylla; hoc apud nos in Polonia, nescia terreri præstant palpebra Constantini. Hinc quod olim solenne fuerat in Crucis signo vicisse CONSTANTINO, nobis nunc sub CONSTANTINI nomine, trophæa erigere triumphalia, vulgare. Adeò Præsul CELSISSIME didicisse nos triumphos fecisti: ut cladem nosse, scientis esset gloria non postrema. In pedes vertisti Præsuleo Tuo Pedit aduersa: ut nullam in Polono solo inveniant stationem. Et licet Polonia campus sit, in ea tamen Campum non habent victoria, quibus Polona libertas ducatur in triumphum. Acclinasti potius Sarmatico Nomini Capitolium, ita: ut plana semper suis campis Polonia, collibus nunc assurgat triumphalibus. Montanam igitur subito miramur regionem: quam hostium impetui arduam intuemur. Talem Tu fecisti consilio, erexisti virtute, sublevasti exemplo. Verè & à tangente sidera, ac libertiorem, supereminente ærem Olympo, non abludit Patrius orbis: nisi fortè hoc à montibus Te id agente discrepat, quod jugum non sentiat. Agent Tibi gratias posteris, prono poplite futura ruent secula ad Tuas Præsul plantas, quod pristinum illum Polonia vigorem,*



tot impetuum odijs servaveris, servatum retinueris, retentum immi-  
nenti transmittas, velocium temporum decursui. Videbunt illi quos  
subsequens excipiet avum, nihil de antiquo Polonorum more im-  
minutum, mirabuntur antiquam vigere libertatem, pro cuius inte-  
gritate contra impetus adversorum, stetit consilio constantissime. Et  
merito Tu præter titulos ILLUSTRISIME: etiam sine graduum  
accessu sola virtutis sublimitate CELSISIME, a Vladislavien-  
sibus armis, in Cracoviensis Vavelli summitatem: vocaris ad mitras,  
invitaris ad Coronas; ubiq; meritis, ac recte factis facile PRINCEPS.  
Deterisimus lachrymas nuper, ex obitu CELSISIMI LUBIE-  
NII conceptas, vel sola nominis Tui fama, qua Te non ex ore  
unius sed a voto omnium, boni PRESULIS optimum Successo-  
rem destinabat. Planè hoc desiderium totius Polonia fuit: ut ma-  
jora ab occasu tanti sideris, ex ortu tandem Tuo, honoris in augem Majo-  
ris, latitiae indulgeret. Paruitq; occulta factorum dispositio conspirantibus  
in Te communiter votis, ita: ut quod corde solum latuit omnium,  
pateat nunc in apprico obtutui singulorum. Tu inquam PONTI-  
FEX ac PRINCEPS es idem virtutis constantia, honoris eminencia.  
In te talem tantumq; PRÆSULEM venturum, quantum commu-  
ne intendatur desiderium, habebis hujus tot oculos testes, quot invenes  
in ingressu avidos Tui spectatores. Parant singuli adventui Tuo pe-  
ctora, instruunt solenni Tuo plausuri ingressui voces, quibus desidera-  
tissime PRESUL exceptus, in eo tandem sistas culmine: quod Ti-  
bi non pro meta honorum, sed nobis tantisper pro scopo erit gaudi-  
orum. Tu nunc animorum ac Ingeniorum sedula cogitatio, plures pro  
laudibus Tuis quæ defacto Tecum sunt, Colchos videbis navigasse  
Iasones. Felices illi cum aureo virtutum Tuarum vellere properent.  
Sed nec sim ego naufragus, dum, cum sacratioris Carina DIVÆ  
inquàm MAGDALENÆ de PAZZIS encomio, ad Pontificias plantas  
affundor. Celeste hoc donum est: Te maxime Pōtifex dignum qui in  
Polonia polum esse jubes, & ego Orbi Literario calum; a tuis auguror  
beneficijs. Quot reperimur in Scholastica arena Stadiodromi, tot Vates  
favorum, a Te imminentium afflati spiritu, Musis nostris Gratularum  
Tuarum consortium promittimus. Quod Apollinem nostrum quarto jam  
seculo maturum, ad florentem juventam reduces: spei nostræ argu-  
mentum est. Quod literas nostras armis nuper, semper livoribus expo-



sitas tueberis: futurum Scholastici laboris solatium emergit. Quòd  
 deniq; Manipulum lagellonicum, aeternam priscorum Regum memori-  
 am, eorumq; amoris erga Poloniam juventutem tesseram, Academi-  
 am inquam Cracoviensem stringes favoribus, hic ominor, cui propen-  
 sum Tuum in literas literatosq; animum, noscere est concessum. Se-  
 raphicis igitur succensa flammis DIVINISSIMA MAGDALENA de  
 PAZZIS, dictionem meam veriore carinam impetuosa quadam vi  
 in Tuum propellit conspectum. Imò cum illa & NAVIM se caelestibus  
 Cymmelijs onerariā esse in MARI MARIANO non excusat; omnino  
 ad litus benevolentiae Tuae venire desiderat. MARIA praedives est, tot  
 virtutum, tot meritorū clenodijs onusta, sola tantum verborum meorū  
 cymba tenuitatis suae conscia fluctuat; an sub oculos tanti PRÆSULIS  
 sit decursura. Sed permittes leviori tenuioris dictionis navigio, nominis  
 Tui gloriā, ante ingressus Tui majestatem, spectandā exhibere.  
 Antea mbulo sit fermo Oratoris Tui, sed non laudis Tuae: quā-  
 cuncta praeceps de Te dicentium molimina. Arescunt Te im-  
 minente Oratorij fontes, igitur in MARIANUM MARE  
 nē dicendū de Te defecisset materia, NAVIM debui expedire.  
 Sic inopes verborum, inter affluentiam laudum Tuarum facis: ut  
 adhuc egeant, quibus incumbit orbem implentia totum, encomia Tui  
 evulgare. Tu calū Pontificia attingens Tiara, ipsos superos commoves  
 in applausus. Prasuleo Pedō terram quatiens, jam imperas omne ante  
 Te genu flecti, quidquid ē terra calum suspicit. Te siquidem Numina  
 elegere, ut cum novos honores auspicaris, Te & calum colat, & orbis  
 veneretur. Habes itaq; nunc ab astris porvolantem SERAPHIM  
 MAGDALENAM, Te ANGELUM Ecclesiae, Cracoviae prae-  
 stantem. Habes per crystallinas caelestium Gratiarū lymphas ad Marianas  
 Arenas appellentem NAVIM, Tibi, pretio majus velleris donum nobis  
 vehenti, praludentem. Da igitur favoris Tui Favoniū, feliciores apud  
 FELICIANUM Insulas certò speranti Carina, praebe etiam benevo-  
 lentiae portum Naclero: qui Tibi semper votis longae vitae veli-  
 ficans, ad Prasuleas plantas rudentem conatus mei, una mecum proijcio.  
 CELSISSIMAE Illustrissimae & Reverendissimae Dominationis  
 Vestrae.

Humillimus Servus & Cuius

ADAMUS MAŁACHOWSKI,  
C. I. E. A.





# ORATIO

**I**nter asperi incommoda fati, serenam frontis explicare amœnitatem, inter undequaq; ruentes malorum cuneos felicem cursum spectare, inter tumultuantes turbidi Maris procellas, fecundam sperare malatiam, arduum ac difficile molimen est. AA.

Adeò namq; in hoc procelloso malignantis mundi Oceano iniquæ sortis concutimur fluctibus; ut nemo lætum canat celeusma; rarus vitæ suæ feliciores progressus celebret. Quippè ut mundus cepit, illicò desipit, nihil firmum, charum sibi existimans; præterquam coævam vitæ suæ inconstantiam. Sanè à fluctivago sui statu convenientius delineabitur mundi imago, si procellosum Mare proclamabitur. Sævitur enim Mars insatiabilis cruoris humani helluo, continuis bellorum fragoribus universam fortunæ gestiens concutere Classem; & veluti in Mulciberi officina, gravi armorum strepitu, nostram conatur deglutire felicitatem. Effundunt rabiem Imperio Eoli, fu-

B

rentes



rentes impetu venti, continuo motu luctantur  
Euri, strident ab Aquilone concitatae procellae: ut  
suo immani hiatu universa demoliantur rerum cul-  
mina. Jacent in cineribus plusquam per decenniū  
obruta arte Pelasga æreflusa Urbium mænia, solo  
æquantur superba Regnorum propugnacula, ru-  
unt munitissimæ arces, decidunt astris contiguæ  
turres, flectuntur in rudera Urbes, & quidquid  
basilico magnificoq; opere eminet; velut pro-  
cellosi voragine Maris in ima detruditur. Non u-  
nius Republicæ Navis in hoc angusto Hellespon-  
to, dum ad fortunatas navigat Insulas, rapidis sor-  
betur vorticibus; non unus Iason, dum nimium  
confidit secundis, in Colchico cespitat itinere:  
non unus huic committens pelago ratem, ante  
præmeditatum littus se ipso voraces aquas exla-  
tiat: imò ille infelix, ac nimium deflendus, pri-  
usquam avidos gressus prosperiori Margini ex-  
ponit, vitam exuit. Hinc si placet sollicitam bo-  
ni sui gerenti mentem, malorum vitando injuri-  
as, asperum firmo pede premere Caucasum; si  
libet peregrino more post Calpen & Abylan evi-  
tandi gravia fati cõtendere, ac post ultimam Thu-  
len, bonæ spei extendere carbasæ; mundi attamen  
tranquillam invenire stabilitatem: etiam post mil-  
le discrimina non valebit. Sed itanè nullibi secu-  
rum expediemus navigium? siccinè ad Promon-  
torium bonæ spei, felici nemo perveniet decur-  
su? Extra dubiæ Quæstionis arcana: ita est. AA.  
Per mare tantum MARIANUM securior succedit  
navigatio. Non enim alibi liberiori progressu  
gratiosæ sulcantur undæ, quàm in Cælesti Gra-  
tiæ



tiæ MARIANÆ Eridano. Huic dum optimo con-  
fio se committit virtutum & sanctitatis onera-  
ria, inæstimabilis candoris Gemma, Elianæ In-  
sulæ Decus; prælucentibus sibi Carmeli syderibus  
portum feliciter tangit DIVINISSIMA MARIA  
MAGDALENA de PAZZIS. Quare soluta Ora-  
toris dictio, ultrò se purissimis MARIÆ amandat  
fluctibus, qualis quantaq; in illis sit MAGDALE-  
NÆ probitas, spectatura. Sed NAVIS pretiosa  
virtutum Cymmelia, per Mare MARIANUM de-  
vehens, DIVA VIRAGO conspicitur: NAVIS igi-  
tur in conspectum publicæ lucis ab ore profluit  
indiserti. Ubi ignosces DIVINISSIMA VIRGO  
leviori dictionis Cymbæ, quòd Te navim atten-  
tet evulgare. Pretiosa siquidem virtutum tua-  
rum Cymmelia exiguis non possunt ferri navi-  
gijs, igitur Classis titulo permittas Te nominari.  
Si ità voto annuis, affer opem conatui: ut in Tu-  
as laudes effusus, tandem in Promotorio suæ spei  
videatur. A vobis etiam AA. Sacrationi huic  
Navi, benevolæ attentionis sperantur Favonij,  
qui ut benignius afflent in imum demissi Cultûs  
profunditur Eloquentia.

Onerariam hanc solummodò dixerò Navim, quæ  
pretioso gravis pondere, non absq; summi oneris  
sensu Neptunios recessus præterlabitur. AA.  
Decurrit illa eo feliciori sulcans æquora passu, quò  
firmiori manet prædita apparatu. Itaq; ad sint ne-  
cesse est illi grandiores quàm Dodonææ, Iovi sa-  
cratæ quercus, quæ non Orphei adductæ lyra,  
sed acuta detruncatæ securi, amplam de se ex-  
truendi operis copiam suppeditent. Prora hinc,



indè puppis: & nè facile infestis corruat fluctibus, robusta adhibentur latera. Nec sufficit firmandæ huic solius ligni usus, ubi saxosis pectus opponendum scopulis, chalybeis benè muniatur ferramentis. Stet subvectus alto, non humili malo, ast proceriori obiete fabrefactus in medio malus; hicq; mille stipetur funibus, quo eminens navis: ut citius destinatum accurrat marginem, turgidis adhuc velis instruatur. Reliquum hîc si curiosior pupilla navium perlustrat apparatus, certerè non dubiæ spei nuntiam, inter tumescentes Oceani procellas, videbit anchoram. Imò & magneticam tanget acum, certissimam inter afflantes rapacium ventorum turbines ductricem. Ad hæc prælucentia Altra, ac per devia quæq; tutû præmonstrantia iter, advertet sydera. Quinimò præter tanta Navium commoda, nec lenè spirantes deficiunt Favonij: quæ ubi ad portum steterint, in coronide prosperioris decursus, ac post mille fluctuum discrimina, triumphali lauru coronantur. Talibus tantisq; ornamentis si conspicuam cernere DIVINISSIMAM MARIAM MAGDALENAM de PAZZIS exoptatis, eandem sagaciori mentis intuitu NAVIM, VIRTUTUM Cymmelijs onustam, & per Mare Marianum currentem perpendite. Stetit illa in primo orbis ingressu ad litus Celeberrimæ Urbis FLORENTIÆ; ubi meritò primam quæsit stationem: nam summi pretij bajula NAVIS vernantibus nonnisi Incolis debuit primò commendari. Hæc necdum suæ ab ulnis missa Lucinæ & jam varios fluctuantis anfractus carinæ naturam imitata. Si etenim



enim Navesimmergi nequeunt, si per altos gurgites securo saliant impetu: en DIVINISSIMA MARIA MAGDALENA de PAZZIS in publicam orbis faciem ab utero Mariæ Bon-  
delmontiæ ueluti è Thetidis Regno leviori sub-  
sultu progreditur. Quæ omnimodam Navis re-  
ferens imaginem, non Phidiæ aut Dædalo,  
struendî arte eximijs, sed prudenti desuper com-  
mittitur Camillo. Eum liquidem superi sancti-  
oris hujus Navis, usq; ad portum felicioris vitæ  
jusserunt esse Architalassum. Horum itaq; Pa-  
rentum studio, vix primam orbis hujus aspexit  
lucem, MAGDALENA, illicò sacro Baptisma-  
tis fonte circumfunditur; cui nè Divinior defu-  
isset cynosura, sereno illibatæ Catharinæ nomine  
denotatur. Hinc felicem Tibi evenisse sortem  
gratulor DIVINISSIMA VIRGO, quòd tantæ  
Virginis, imò immensarum virtutum triclinij E-  
tymum assumpseris. NAVIS es, divitiarum Ti-  
bi affluxus opus est, quas cum Catharinæ susci-  
pies patrocinio. Proindè ut non dissimilem tanto  
nomini vitam, sed virtutibus ejus parem ducas,  
gloriæ Tuæ urget necessitas. At extra quodvis  
consiliû, VIRGO æmula magnæ comparet san-  
ctitati. Quinimò Alienæ virtutis insistens ve-  
stigio, laudandâ invidiâ, palmam sibi præripi  
non concedit. Etenim propè infans, & primo  
ætatis vernans flore, jam maturam omnis per-  
fectionis, ac Diviniarum Gratiarum cumulat  
acervum; indies alimoniam corporis sui, alienæ  
elargiendo egestati. Præter hæc, MAGDA-  
LENÆ, NAVIS inquam pretiosa Cymmelia  
C deve-



devehentis indicia, adhuc cætera libeat per-  
lustrare. En Angelicus puritatis candor, in-  
taminata frontis verecundia, morum probi-  
tas, verborum integritas, sanctimonia vitæ in-  
numeraq; alia sanctarum virtutum societas, in  
eximium MAGDALENÆ affluit commercium.  
Inter quos virtutum conspicuos splendores, ac  
inter tot corruscantia probatæ sanctitatis docu-  
menta, hoc tantum unicum MAGDALENÆ  
deesse videbatur; quod obvoluta mundi inquie-  
ti faragine, in sanguineum Passionis Dominicæ  
Oceanum, vela commodè expedire non potu-  
erit. Hinc anhelos spiritu felicius desiderat per-  
fectioris status adnavigare Promontoriū. Quod  
cum ita persuasum fuerit MAGDALENÆ,  
omninò eligit de procellosi maris turbine; ad  
Mare Marianum transfretare: tum ad fortuna-  
tam Eliani recessus Insulam, tranquillum inveni-  
re solatium. Factum est, quod in votis fuerat  
præconceptum: tum pacatiori insiluit freto, dum  
MARLÆ de Angelis Cœnobium, ut pretiosa inde  
Virtutum vexisset Cymmelia; eligit incolendum.  
Sed quæ operum Tuorum ratio, Virgo Sanctissi-  
ma? dum enim tranquillum indagas Statum, ad  
Carmeli collem, turbidum Mare, mundum inquā  
linquendo, majores motus invenis! Hic attendat  
perspicax virtutum MAGDALENÆ ratio, quo  
terventioribus votis æstuat ad Religionem Di-  
va Virgo; eo profundiori pacatioris vitæ inni-  
titur fundamento. Iam itaq; in ordinem lecta  
Carmeli, ut per Eridanum lacrymarum, feliciori  
sorte queat navigare, Sanctitatis speculum, pæ-  
nitent-



ritentiæ Phœnicem, MARIAM inquam MAGDALENAM, suscipit Tutelarem. Nec votis suis damnata Virgo, ut enim Maris se dedit MARIANO, illicò triumphare de fluctibus, superare impetus, domare procellas; assvefacta. Tume-  
bat immensus piarum precum Oceanus, etiam illo MAGDALENÆ imbre, quem de Oculis inter lacrymas elicuit, quando in fletum soluta, mortalitatis suæ sortem, tum Numinis nati incommoda recolebat. Hæc Tyrocinia sunt MACDALENÆ in Religione, an veriùs dixero: NAVIS in Mari; MARIANO præambula. Sed quoniàm à margine recessit dictio, profundiori itaq; innatans Pelago videatur. Quæ tantùm à terræ recedit commercio, quo propiùs cælos ex edito prospicit sanctitatis. Remis velisq; Religiosi statûs, instat procellæ, ut tandem tranquillo allisa littori, pretiosa virtutum decora superis ipsis faciat venalia. Et credat avida divitiarum cupiditas, tum Cælites plurimùm CARMELO favisse, dum à littore sæcularis vitæ recedens MAGDALENA stupendo piorum operum conatu, sublimem Polum habuit sui spectatorem. Tanquàm quadam Superipremerentur indigentiâ, sic sollicitis votorum suspirijs ad fortunatoris vitæ Promontorium, Mysticam NAVIM propellebant. Ausim dicere, quòd subdita Cælis ventorum rabies, totas impetûs sui intendit vires, quibus sanctior agitatae carinæ carbasus, citò Superum oculis adveniret. Sed cur violentâ Eole dextrâ, profundas commoves lymphas? cum sua spon-  
te ad præfixum Cæli Emporium contendant



probata sanctorum operum vela, cum prorsus  
capaciores ad Cælum sequatur decursus. Res  
mysteriò involuta, omninò clarioribus referan-  
da dictis. Iam itaq; mare linquo, & loco NA-  
VIS Cymmelia pretiosa devehentis, MARIAM  
clarius celebrabo. Sacram ELIANÆ Religionis  
semitam terens, egregia sanctorum vestigia ita  
incurrit: ut in Carmelo stelligerum habere O-  
lympum censeretur. Nec erraret qui Cælum  
diceret eminentem Carmeli sumitatem. Ibi  
enim MAGDALENA virtutum ac piæ vitæ  
radijs, velut Numen aliquod resplenduit. Ter-  
renum, imò nominavero Cælestem collem  
hunc: vel si dubium in quonam terrarum am-  
bitu Paradisi lateant deliciæ, CARMELUS verè  
Paradisus est, cautiorem longè Parentem, MA-  
RIAM inquam MAGDALENAM continens.  
Ut etenim blandienti mundo pio effugio valedixit: ut sanctius in Carmelo vitæ Genus suscepit: illicò non humana facie, sed propè Cælesti supercilio, quidquid terrenum ante fuit, id non appetendo despexit. Poterant quidem & ad ianuam Carmelitani recessus, mundanæ se affundere blanditiæ, suaviter MARIAM inde advocantes. Sed quid ad hæc infracta mollibus dictis VIRGO! recessitnè à præmeditato probatoris vitæ termino? crediditnè, fucatis mundanorum oblectamentorum coloribus? minime. Abijt, excessit, erupit claustrum auditu fallax mundus, & contemptum se à Virgine deflens, amplius infestum robur, contra munitum MARIÆ pectus, ducere non tantavit. Ita elusus temeritatis



tatis mundanæ lusus, immaturæ Virginis maturo & plusquam virili ausu calcata tentationum protervia, & in ipsa beatioris vitæ herba, jam abundè lectus sufficiens sanctorum operum proventus. Quid enim est crebrior meditationis diurnæ nocturnæq; usus? quid sunt intentæ Passioni Dominicæ Cogitationes? præterquam aureæ aristæ, dignæ, quæ in Cælum NAVI MYSTICÂ MARIÆ; inveherentur. Verè fortunatæ specimen Insulæ Carmelus, felicibûs adeò pullulans frugibûs, ut si Cælum nitore virtutum egeret, MARIANA NAVI latum sibi emeret subsidium. Talem profectò putet quilibet per MARE MARIANUM de-vehi NAVIM nostram, quæ ditando orbi, ornandis astris, delectandis Superis, officiat. Jam itaq; fortunam Cæsaris asportantem Classem inquitimus; parum est, quidquid ostendet, vile quod præsentet: MARIANÆ CLASSIS Cælorum est fortunis oneraria. Si DEO Cælum dives, MAGDALENÆ DEUS Clénodum: si ordinatæ Spirituû purorû Hierarchiæ Cælorû Ornamenta! hæc NAVIS Nostræ splendidi sunt apparatus. Nec pretium Poli, MARIÆ deficit: cum Maternum petus Numini alendo aptum, imò cor ipsum MAGDALENÆ communicat. Hic si adhuc Divinum planè hoc Navigium potiores exoptat merces, Divini Pneumatis ignita afflat virtus, æstu amoris æstimanda satis MAGDALENÆ opera, in majus pretium subvectura. Opes igitur non jactet Tagus, nec auri portitor Ganges, superbiat affluentia. Rubicones præ indigentia illi sunt

D

poti-



tius, quàm aurò fluentes rivi, si modò in statera  
æstimationis cum MARIÆ pretio appendantur.  
Quidquid enim Orbis colligit æstimandum, quid-  
quid suppeditant remota montium viscera con-  
servandum, id totum Navim Nostram reddit  
onerariam. Sed fallitur præcox lingvæ dictio,  
cùm mundana Cymmelia sacrationi attribuit Na-  
vi. Supra terræ humilitatem, supra mundi in-  
flatum vanâ jactantiâ animum eluctata, MARIA  
Cælorum magis deposito supereminet. Aurum  
quod humus egerit, pallida gleba est, versan-  
dum idcò manibus cum rubore, quod tam  
abjectâ terræ portio sollicitè quaesita, intensius di-  
ligatur; cùm illad, milleni mali irritamentum, in-  
satiabilis appetitus extrema fames, censeatur.  
Gemina Cæli & Maris ejectamenta, cùm nulli-  
bi pretium inveniant, malefana hominum exor-  
nant desideria. Splendet Adamas ruet Coraliû,  
humanis vel idcò dicata commodis, quod alibi  
repulsam patiantur. Non his fidite sanctiorem NA-  
VIM esse onustâ illecebris quæ postposuit Cælum,  
vel quæ tantum humano arrident voto, neque-  
unt Diviniori Carinâ asportari. Cælestibus illa Sa-  
crata Cymmelijs, Cælo semper digna, per  
Mare Gratiarum circumvehit ornamenta. Id,  
à verò non aberrare probat MADALENÆ  
sanctitas, æquanda maximis, preferenda, pluri-  
mis & nunquam humiliori censu collocanda. Se-  
raphica hæc planè VIRAGO, in terris laten-  
tem antecedendo pietatem, evolare debuit ad  
Angelos; ibi solummodò virtutum suarum inven-  
tura




ts  
e,  
M  
o-  
m  
o  
es  
er  
ne  
a-  
ut

o  
e-  
y-  
ti-  
e-

o.  
e.







22000,-

3.XII.13



**Bibliotheca**  
**P.P. Camaldulensium in Bielany**

Depozyt w Bibliotece Jagiellońskiej



02350



